

傳  
經  
堂  
詩  
鈔

傳經堂詩鈔卷三

乙亥秋至丁丑八月

蕪湖韋謙恒慎旃

出都

京國馳驅忽二年，滯淫今始著歸鞭。  
馬嘶冀北當秋後，雁到江南在客先。  
日落喚船村渡口，月明吹笛戍樓邊。  
從今換却懷鄉夢，回首燕山一黯然。

南皮道中

秋氣蕭蕭入敗荷，南皮指點在煙蘿。  
荒臺不見中郎將，古渡猶傳太史河。  
紫蠅白蝦鄉味似，綠瓜朱李晚涼多。  
一杯恰盡滄州酒，何處鐘聲到碧波。

德州

平原嶺下水瀾瀾城外人家半酒旗秋雨挂帆當晚渡

春寒騎馬憶前期煙籠東海名王墓

蘇羅國王於永樂時入貢歸次德州

平以王禮葬之  
卽迷離

草歿西京故相祠不用臨風太惆悵雲山過眼

故城舟中對月

滹沱一片水衮衮接荒城澤國秋先冷孤舟月更明微

聞木葉下漸覺晚潮生把酒忽長嘯誰知此際情

雙閘

我家臨大江風濤詎所怯連蜷賦遠游輕舸每利涉何

處無鼃鼃蔑視等鵝鳴去年渡黃河百里剛一霎振柁  
溯逆流屹然見雙闌是時月河閉衆流若赴峽奔騰十  
丈高邪許百夫脅牽纜不得行開口恣呀呷篙師力已  
疲陽侯氣未乏掀蕩觸闌門帆檣遽摧塌童僕爭號咷  
天地爲持挾虎尾象縱離羝藩占乃協今年復揚舲波  
平逞一葉蘆葦生秋聲儼如泛茗雪往事忽填膺痛定  
心轉懾人非蛟龍嘯胡與波瀾狎臨深經所訶聖言良  
足法

渡黃河

濁浪排空下孤舟一放歌秋高逢白雁日落渡黃河煙

樹鄉關近風塵客思多京華重回首吾道太蹉跎

弔淮陰侯

躡足猜殊甚謀身道詎臧如何真國士願作假齊王主  
以功高震弓因鳥盡藏相從赤松子高蹈獨張良

秦郵

一帆細雨掠秦郵楓葉蘆花水國秋不識風流淮海逝  
何人更解賦黃樓

甓社湖邊老蚌生龍圖學士氣縱橫卽今三十六陂水  
猶有珠光徹夜明

題郭明經步岵圖

秋風吹我思菰蒲烏篷七尺歸吾廬到家未及拂塵土  
先覓故人來城隅故人訝我顏色悴爲我行役增長吁  
急持斗酒相勞苦開篋更展陟岵圖我見此圖淚如霰  
十載踪跡浮江湖每向他鄉望先壟寒食麥飯燒曾無  
羨君昔年愛負米堂上定省晨昏趨東皙能補笙詩缺  
老萊唯與斑衣俱一朝風木縱哀毀半生菽水良歡娛  
羊腸九折未經歷瞻望猶爾慎其軀而我小小失怙恃  
伶仃遂遭飢來驅空憶當年錫名意

先君字  
永曰慎旃

兢兢夙

夜行川涂此詩已並蓼莪廢此圖安忍重觀摩從今願

守墓田側明發不寐懷區區

過吳杉亭舍人新居讀和陶移居二章率爾次

韻

鵲藹鍾山雲下有幽人宅我友此卜居逍遙永昕夕時  
讀牀上書暫息塵中役庭樹含古意落葉紛几席洗心  
游太初安知今與昔笑彼苦形人斯理殊未析

我來訪儔侶素壁見新詩把酒共歌嘯酣適忘所之夙  
昔愛此土山川生遠思習隱雖有志結廬知何時倘許  
對衡宇田園長在茲便當屏人事吾言良非欺

與秦澗泉修撰話舊

白下城邊繫短橈故人重此對吟瓢半簾晴雪圍爐坐

拾得松枝話六朝

山色都將積雪封，煙寒何處覓遊踪。十年舊事從頭說，

一榻長干共暮鐘。

丁卯秋同澗泉西巖  
葯根宿長干寺累日

煮石齋對雪用東坡聚星堂韻

天女娉婷掃殘葉，歷亂天花見初雪。開門忽訝山色無，  
隔巷還疑故人絕。聳肩獨坐披吟箋，十指懸槌凍欲折。  
此時萬象皆空明，何處纖塵更生滅。茶竈好將活火煎，  
紙牕一任寒風掣。獨憐斗米如珍珠，况聞尺布勝羅纈。  
窮檐未必無飢寒，吾儕安能免騷屑。松頂回旋忍細看，  
竹間飄灑怕重瞥。獨絃哀歌孰爲聽，舉杯痛飲復何說。

傳紹堂詩集  
唯有殘燈伴僵卧布被稜稜冷如鐵

題俞青琅茂才畫牡丹

誰從斑管鬥繁華歲晚還開第一葩絕似燕臺風雪夜  
地鑪氲幕見唐花

曾訪名花載酒尊幾家池館變朝昏何如沒骨黃筌畫  
直許相看到子孫

翠螺讀書圖 并序

余授經翠螺三歷寒暑每與二三學侶長吟雜韻  
於松風江月間致足樂也去年北去殊爲惘然頃  
屬青琅爲作此圖并題詩於左

翠螺山如蓋亭亭排青松大江作門戶白日紛蛟龍松  
濤答江水鐸鉉諧鐘鏞何年開講堂習禮諸生從我來  
擁皋比端坐慚迂庸庶幾江山助增我磊落胷平生志  
墳典苦爲塵土封屏跡旣清曠足用皆三冬六經縱冥  
搜始知書味濃人世少佳境得此聊足容一朝向京雒  
揮手辭雲峰小別忽經歲不殖成情農故人知我意潑  
墨煙蠻重倚闌手一卷得意忘高春往事已如夢乃於  
縑素逢徑欲招李白高詠追前蹤

懷金茂才蜀中二首

三載無書劄傳聞萬里行題詩尋杜甫問卜訪君平白

日猿聲起青天鳥道橫不知臨遠塞可有鬢絲生  
失意俱爲客他鄉閱歲華風霜吾已倦道路爾尤賒雪  
嶺無春草蠶叢有暮笳子規應聽徹早晚下三巴

丙子元日

殘雪初融歲正新鄉園暫許息勞薪戲拈棗栗分兒女  
略整雞豚約比鄰簫鼓幾家爭令節煙花滿眼著閒身  
却思鴻爪留燕市曾簇辛盤學咬春

桃符葦索一時新暖熱盆餘昨夜薪物態屢驚田易主  
生涯長與研爲鄰論交怕落青松色處世期完白壁身  
唯有閉門堪用拙羲皇高詔不知春

再題翠螺讀書圖兼憶從學諸子三首

一片譚經地寬閒我獨詣輕帆落渡口傑閣峙江南雲  
影侵書簾松聲到枕函曾拈爻象理終夜抵禪參  
山色真如翠青山相對青鐘魚隣佛地燈火近漁汀挾  
筴多秋樹行吟足草亭幾時重躡屐一榻掩巖扃  
不到然犀渚春風已再過升堂三五輩著述近如何遶  
檻空涼月當門自淥波人間清曠所誰與共婆娑

次和胡孝廉遣興四首

春來無箇事俛仰得幽懷入市晴猶嬾看山雨亦佳草  
痕生遠岸梅影落空階吟嘯從吾好安知性寡諧

蒼蒼浮暝色風際一憑闌湖海志應倦乾坤身獨寬  
鄒裾元未曳馮鈇更羞彈爛漫惟尊酒相期結古懽

幸無車馬辱差稱野人家屋破蘿能補牕虛竹解遮看  
書常就月荷鋪慣移花不識愁何物閒中趣本賒  
殘雪四山盡端居竟若何交憐今雨合詩愛古風多事  
業驅黃犢生涯換白鷺倘能頻詣我三徑足婆娑

戲詠不倒翁四首

蒙城縣齋席上作

獨立羞誇面目工昂昂終日對春風周旋與我呈圓相  
牽率由人見直躬略有衣冠存世外更無城府到胷中  
當筵莫並泥車弄

泥車瓦狗  
見潛夫論

歷落欽崙讓此翁

舞態嫵姍亦有神須知例強本天真隨身且戲三千界

傳燈錄竿木隨身逢場作戲

空腹還容數百人元亮獨存腰未折嵇

康終覺性難馴千秋冷笑河陽令肯共齊奴拜路塵

生活原從故紙堆獨留風骨占蓬萊顛時石亦難邀拜

醉後山猶未肯頽貼地怕同柔媚舞仰天應許滑稽才

男兒不屈唯南八誰與傳神寫照來

磬折無心與俗謀顛危幸免復何求神全本不須蛇足

項短居然是虎頭借面未妨儕傀儡低眉差喜異俳優

世間豪傑誰推倒位置高應百尺樓

奉懷彭侍郎觀之先生

薊門霜月晚行時一見欣然說左司

侍郎見贈有蘇州詩句想當年之句

最憶長簷車共坐隱囊方褥笑論詩

滁州

滁州城外水彎環小立危橋暮靄間合有詩人此棲息

戶爍強半對青山

西南林壑真奇絕指點煙霞入望中不到醉翁亭下醉

梅花孤負又春風

野渡舟橫細雨時詩中粉本幾人知我來恰值春潮晚

隻字何能替左司

清流關

清流關乃在巉巖亂石崎嶇詰屈之中間山爲帶水爲  
環更有大塊噫氣爲之呼吸鼓盪以怒呿乎塵寰東南  
險隘稱第一一夫可却千軍還竊疑岬鳳就擒當在此  
五代用兵遺跡至今猶班班獨有行役苦往往嗟阻蹙  
我來日卓午我過已見夕陽之在山陰風颭颭清泉潺  
潺車中之人嫌春寒可憐車子羸且瘵汗流至踵喘不  
息枕石獨臥無生顏

### 磨盤山

朝行清流關暮行磨盤山身如輓轡轉上下不得閒

### 荆山

荆山片璧苦難撿三獻空增抱璞愁只要楚王知是玉  
卞和元不爲封侯

蒙城

小縣連清潁風淳信可誇衣冠崇古樸墟市賤魚蠅麥  
熟爭輸稅花明早放衙從來容傲吏我徑欲移家

逍遙堂

兒時讀南華驚怖若河漢寓言縱十九母乃太汗漫論  
世斯知人掩卷忽長嘆戰國重腐鼠印綬嚇里閭朝縱  
暮復橫黔黎苦塗炭莊生獨遺榮齊物理能貫犧牛與  
神龜得失已早斷一笑謝楚王安甯受羈絆鴻蒙任逍

遙死生若昏旦庶幾接輿儔將毋許由伴我今登其堂  
遺書積几案不見傲吏來裴裒至日肝栩栩蝴蝶飛清  
風動帷幔

稽山

中散餐霞人抗懷與時異好鍛亦偶然聊以適已事傳  
聞茲山中遺跡猶可識唯許向秀偕寧顧鍾會至相隔  
千餘年流風起遐思揮絃送歸鴻誰與共高寄獨有山  
上柳青青尚垂地

白牡丹

冰雪偏憐絕世姿春風獨立晚妝時霓裳舞罷全消酒

紈扇裁成嬾賦詩只恐獺痕汚玉貌  
肯矜螺黛譜宮眉  
平生承寵非顏色笑煞黃金買畫師

偶檢篋笥見程太史泚江先生贈答諸篇  
茶臼筆牀風流如昨而先生下世忽已經年  
愴然賦詩四首

十載論詩在竹西水村山郭夕陽低  
生天成佛知何處  
忍淚挑燈讀舊題

平山堂下櫂歸遲老去詩情託酒卮  
最憶春寒添半臂  
綠蕪紅藥晚風時

千个檀欒映水隈  
篠園煙景未成灰  
廉纖細雨催行笥

更與誰參玉版來

篠園其別業也

前輩風流格自殊鍾期一去賞音孤  
邗江嗚咽春潮滿  
不忍重尋舊酒壚

書先孝廉兄遺集後

并序

仲兄萱望先生別字晚芳天揀其諱也續學三十  
載始以丁卯舉於鄉兩赴春官試不第竟於去年  
冬十二月三日以歐血終謙恒奔喪歸撫棺長號  
不能有言也頃集遺文若干首俾其兩孤藏之冀  
異時或鏤而傳焉於戲先生之不死其在斯矣

揮手竟長往誰銘七尺旌百年湖海客千載孝廉名風

雨他生約松楸後死情殘燈拾遺藁空有淚縱橫

中山王墓

麟閣名猶在中山跡竟荒墓田秋草沒何況大功坊

與卉田兄夜話

一樹梧桐月迷藏記小時如何俱老大況復易分離馬

援空垂戒王裒正廢詩

時居叔父憂

相期守圭璧定有令名

遺

雨花臺秋望

歷歷秣陵樹江城秋色來諸天誰說偈落日又登臺絃  
管千家沸鍾魚六代哀臨風獨沽酒倚杖一裴裒

自與諸弟餬口四方雖時一相見而四人合并  
竟不可得適偕七弟震蒙至自金陵八弟履泰

九弟鼎復亦歸因共坐桂花下劇譚達曙十年

來所未有也

弧矢射四方相期我生初詎能守嬾孺寂寂房帷居所  
嗟鴻雁翔行列忽以疎未見助業就但令歲月徂道旁  
一牽袂東西仍岐途長枕與大被十載無由俱秋風被  
空谷叢桂幽香舒弟兄有所營各各歸吾廬執手轉悽  
惻顏色皆已殊布席在花下列坐滿四隅且飲玉色醪  
把琰同懽呼身世皆茫茫胡爲增欷歔縱譚猶未闌朝

霞生秋裾

寄龔興平

西望秦川入夢遙  
一官休悵路迢迢  
祇緣鄭槩多詩思  
風雪天教過灞橋

行部懸知勸客愁  
重重煙樹茂陵秋  
多情莫問相如宅  
曾遣文君賦白頭

雨度關山

正馬關山路山泉  
百道流煙雲工奪  
畫風雨力爭秋葉  
落沾征袂鐘殘亂  
客愁石頭真太滑  
半偈試題留

紅心驛遇江秀才歸自塞上

夕陽沽酒聽秋笳酒伴驚逢驛路斜  
記唱渭城看出塞馬頭飛雪正如花

一劍孤征路八千歸來鬢髮竟依然  
不知飲馬長城窟樂府新題又幾篇

煙墩湖曉行

湖田三百頃空濶少人行月帶殘星動  
秋連遠樹平眠沙鷗影定踏水馬蹄橫  
漸喜前村近微聞喔喔聲

食鵲鵲

霧滿張超市風翻顧愷簾晚寒方縮手  
孤酌遽掀髯入網微禽得登盤野味添  
問名殊鵲鵲考德類鵲鵲爾雅

箋會讀詩人興偶拈刺淫應共鵲託體本從蟾

爾雅疏云蝦蟇

所化鬪處雖餘勇烹來詎喪廉漬宜桑落酒醺藉水精鹽

骨脆投偏吝羹良嘔未嫌餐唯加鴨糲饌合配鷄纖黃

雀綿相似茅鴟炙略兼頓忘讒鼎戒一飽夜厭厭

許生乞書走筆示之

六書藝之一禮樂同其精真行體遞變皆自篆籀生俗  
筆恒苦驕罔知關性情心正則筆正斯言良可銘鍾王  
固圭臬褚顏亦典型始必宗專家久乃幾大成臨撫法  
雖異兼之斯通靈僕本不學久謬竊能書名學古詎神  
似譬論畫以形感爾請業意醉墨隨縱橫書罷復長嘯

仰看霜月明

冬日偶成三首

素心偏覺與時違  
落葉蕭蕭晝掩扉  
彈罷甘蕉文半幻  
餐來苦李味全非  
驚鴻悔不揄長袖  
射虎翻思著短衣  
剩有豪情猶未減  
強持尊酒對斜暉

廿載編韋手自鈔  
夢中曾許食三爻  
青州從事非吾好  
白蠟明經儘客嘲  
捷走漫思蛩負壓  
力田須爲鼠迎貓  
平生略辨淄澠水  
千頃汪汪未許淆

歷落欽崙似往年  
冒容愁思促華顛  
五千白紵原無怨  
一片青山況有緣  
心比靈珠能却病  
身如頑石許參禪

卷之三  
摭願獨向風前立絕愛空明雪後天

至日

敝裘今日曉寒侵何處梅開許獨尋鄉國酒盃當短至  
天涯風雪一長吟洗頭漫欲乘中夜測景端須惜寸陰  
誰解下簾同布易好從爻象覓天心

雪後寄里中同調二十韻

時擬輯鳩  
茲詩存

狂飈昨夜摧楓杉風定忽失青山巉空明萬里盡冰雪  
唯有詩人工雕鐫回首故園踞江上寒濤汨汨排征帆  
袁安僵臥子陵釣何不歸去同吟詁吾鄉風雅

國初最蕭沈氣象真巖巖

蕭尺木雲從小曼雲倚  
沈崑銅士桂五鹽士尊兩家



集賢堂詩集  
將棗木布海內俾知蕞爾風颯颯炙研作歌指欲裂璆  
琳速藉飛奴緘

示協夢

三月不見汝書至吾已欣況復郵一卷操觚能爲文  
強頗自遂氣欲干青雲無如味繩墨若治絲而棼經義  
本聖諦神理爲之君剖析毫釐間非可鹵莽云脉絡一  
以失瑕瑜安從分汝年雖十一略亦誦典墳先正有遺  
矩玩索當益勤奈何逞私智乖鑿徒紛紛吾生飢來驅  
譚藝泚水潰教汝苦不早恐汝終無聞農夫舍其田廛  
爲他人芸卽此嘆貧賤中心憂如焚

夢九弟吟軒

鼎復

月催虬箭落風逼雁行低異客愁偏積同胞夢未迷牀  
非分上下住豈隔東西竹外肩重倚籬邊手更攜茶經  
依鼎鑿藥錄近刀圭憐爾衣裳薄驚余面目鰲稻梁頻  
遠適枳棘復卑棲抱璞空疑鼠觸藩詎類羝山中聊霧  
隱天上有雲梯莫漫嗟芻狗還期養木雞燈殘情脈脈  
香爇語淒淒覺後仍開卷何人爲杖藜

定遠道中霧

曉霧迷行客孤征復此邦月斜疑積雪村遠欲連江人  
語半空度鐘聲何處撞消寒思貰酒一爲倒雞缸

滁州晚行

遙指南滁近疎星引客行遠鐘千澗靜野燒四山明古  
木凝寒色荒村帶雁聲停驂何處好隨意叩柴荆

甲戌首夏與吳猷荀明經同客京師猷荀先歸  
欲賦詩送之未果頃於姑孰相遇出都門錄別  
詩冊見眎漫成長句兼憶王禮堂編修

相見翻驚易別離星星添得鬢絲垂那堪翦燭西窓夜  
重憶銷魂南浦時風雪一天春欲到雁鴻千里夢先知  
多情苦愛維摩詰酒盡低吟畫裏詩

禮堂送猷荀末章云我亦還山發興

新東華生怕軟紅塵金韋能約同來否北郭堪偕十友  
論自注金謂棕亭韋謂約軒予與同謁六人結會吳門

合刻其詩爲七  
子詩選故云

與吳蘭畹猷芳兄弟夜話復成絕句三首

茶煙粥板事依稀回首江天跡已非  
只有青山青未了月明空憶謝元暉

老梅修竹伴清歡不道人間歲又殘  
忽見家家醉司命也思沽酒試辛盤

清詞酷愛張三影

志袁明經

好句應推趙倚樓

芝生孝廉

況有君

家兄弟在未妨風雪一勾留

喜張碧漪明經至自都下兼得彭晉函孝廉方

苧川明經消息

君向燕山我正歸參謀氏灼太相違縱饒霜雪沾青鬢  
肯遣風塵化素衣把袂恰當新歲入燒燈猶惜故人稀  
彭宣好在方干健何日家園也息機

敬書 先考泗州丈量議後

并序

雍正五年泗州水患平勘淤涸里胥緣以爲奸於  
是有有田無賦者有有賦無田或一田兩賦者

世宗憲皇帝命大吏覆按之時 先考官訓導奉檄佐

其事徧歷鄉堡不憚勞勩利弊瞭然如掌上紋因

纂丈量議二千餘言密陳觀察何公

宗韓

以嚴欺

隱去重糧免賠納爲大指又言潼安衛不便宜汰

觀察以爲然白之大府其釐剔法一如 先考言

奏旣上

詔蠲歲賦七千兩有奇衛亦裁 先考此議未嘗聆人

謙恒

謹錄其副并系以詩蓋以見

國恩之汪濊而當時撫此土者能采葑菲以惠百姓其  
賢亦未可沒也

我聞徐子之國周遺封白浪翻作鯨人宮高城百雉田  
萬頃茫茫一望迷西東帝憂蒼生爲魚龍特遣飄師出  
穴盡捲波濤空漂搖鴈戶返廬舍恍疑雞犬遊新豐家  
家呼牛種麴麥麥登差覺朝甕充忽見州帖至按籍編

租庸吏人打門橫索錢索錢不飽無歡悰東家酒醖租  
額免西家酒薄租額重淤者涸者逞刀筆安官厥田厥  
賦爲之一區上中

先皇哀茲窮檐窮大哉

王言生春風毋使歲輪逾正供誰其綜覈唯臣工使者  
道路日相望亂絲欲治將何從下符郡縣遣掾吏躬履  
呻吟量橫縱是時儒官亦被檄日騎驚馬經春冬數與  
父老問疾苦乃知從前簿籍非至公若者宜刪若宜補  
儼如碁布星列紛心胷夜深避客建大議免毫十丈垂  
長虹豈必鄭俠圖監門始令觀者憂慙慙明晨袖之獻

幕府上官促席旋收容更乞聚米作肝陌指點形勢如  
發蒙須臾集守令衆謀僉曰同請竟用此議庶免嗤噴  
聾釐之剔之四五載需頭再拜干

宸聰十行

詔下甘雨濃

念爾小民離昏墊其減額七千以紓吾農從此五風十  
雨和氣鍾積之粟粟崇如壻輪將天庾不敢情都梁山  
下十萬戶莫不含哺鼓腹稽首同呼嵩斯文久已埋篋  
衍光氣時與雲霄沖想見當年用心苦立言兼之期立  
功嗚呼人生服官遭

盛世芻蕘之言誰能壅儒者一念存濟物何不誦此萬  
過書萬通

和高青邱梅花九首

姑孰試院作

天涯誰築避風臺獨受東皇雨露栽一枕夢清人乍起  
孤山詩冷鶴歸來蕭疎影送昏黃月掩映姿含嫩綠苔  
自笑心腸如鐵石年年尊酒此時開

蓬萊何處訪臞仙籬落相看悟夙緣夜氣忽深唯積雪  
春風欲到已含煙吟成肯落詩人後折去多居驛使前  
合與長松修竹伴江南同耐歲寒天

幾枝斜映大江頭十里香清夜未收漠漠輕煙籠佛屋

騰騰新月上漁舟寒應徹骨還成笑澹到無言祇獨愁  
除是風流何水部揚州官閣許同遊

疑雨疑晴水一痕縞衣仙子共誰溫瑤臺風斷寧無路  
瑤草春深別有村琴譜修成偏製恨笛聲吹徹欲銷魂  
始知桃李無顏色獨對寒香畫閉門

遊戲仙家與梵宮雲階月地往來通乾坤清氣收應盡  
今古繁華掃欲空影落半塘流水外夢隨千里夕陽中  
騷人何事偏遺卻只愛幽芳九畹叢

不知欲界有埃塵冰雪爲心玉是人千載獨留秦嶺月  
一枝高占漢宮春抱山有客尋詩慣近水誰家載酒頻

半卷南華相對讀箇中參破在天真

冷蕊疎枝夢與依瑤華長許傍清輝相期每到三更斷  
特立空愁一片飛歷盡冰霜唯爾獨踏殘風雪故人稀  
平生澹蕩差堪近惹得幽香滿袖歸

春風管領先青陽絕代佳人自有鄉天外可容蜂蝶鬧  
世間應失綺羅香水雲氣味山俱冷煙月襟懷跡未荒  
幾度巡檐思索笑一聲畫角正飛霜

傲骨仙才忽不知盡情收拾在高枝尋春未晚元無恨  
人夜頻看若有思疎影半橫風定處淡妝斜倚雪晴時  
徐熙畫手應難遇閒擁紅爐自詠詩

宿棲霞山示方丈雅公

金陵山水佳茲山最靈妙夢想亦有年  
屐齒今始造  
緣升其顛杖策縱遐眺殘雪松頂明  
斜陽石間照一江  
春水生帆檣若可到向晚投佛屋  
焚香對茶竈羣動皆  
已息趺坐但微笑飛瀑忽奔騰  
野鳥恣吟嘯法鐘半山  
鳴幽響互相報寂歷參枯禪  
冰雪入澄抱持謝世外人  
終當此高蹈他時叩聲聞  
結鄰訪僧紹

馬上

昨夜霏霏雪乍晴春寒陡覺客衣輕  
黃河又向雞邊渡  
白髮新從馬上生  
古戍暗連殘笛遠  
亂山遙接野雲平

東風著意吹芳草幾處長隄綠漸成

黻子次韻

爲隱烏皮几拈來木枿輕一隅形旣定萬物體能平但  
免微材棄寧愁世路傾從來支大厦心匠賴經營

詠箸次韻

玉箸當寒漏雙雙映蠟紅和羹欣有具食肉詎無功失  
豈聞雷後投疑按劍中兩岐符瑞麥盈尺比春蔥奇耦  
呈全體方圓總直躬妄思前席借一得獻愚衷

郊城

風捲寒沙撲面來平蕪落日重徘徊水曹一去風流歇

寂寞城根見野梅

句曲道中

一夜廉纖雨未休  
白羊門外氣如秋  
三峯隱隱層雲隔  
何處重尋許遠遊

福地人間似此稀  
華陽洞口是耶非  
我來不見茅君現  
唯有山前白鶴飛

秋江晚渡圖

一片秋風起白蘋  
夕陽催客渡前津  
茫茫煙水添愁思  
廿載長爲畫裏人

磨鏡次劉學使石菴先生韻

古鑑團圓入座寒微塵誰遣綴龍盤開奩爲要空明現  
負局寧嫌拂拭難山月曉懸收宿霧江潭秋皎失層瀾  
從今世上妍媸色好向深宵屢照看

小西湖尋秋至三昧菴題壁

岸草汀花劇可憐一湖秋水碧於天故鄉小別常千里  
禪榻重過又十年帆影暗移江渚外鐘聲斜度夕陽邊  
從今策馬東華去回首煙波思渺然

傳經堂詩鈔卷四

丁丑九月至

徐州渡河有懷諸兄弟

葉落四山秋長河萬里流  
峭帆迎白浪回首失黃樓  
放鶴人何在彈琴客未休  
幾時尋舊約風雨話離愁

彭城懷古

竟起亡秦族阿房一炬空  
英風存鉅鹿遺恨失關中  
叱咤千人廢悲歌霸業終  
不逢赤帝子誰與別雌雄

高唐州道中遇姊夫沈孝廉下第南歸寄諸兄弟

京華迢遞隔山河觸忤鄉心可奈何秋老漸疑賓雁少  
日斜誰料故人過劉蕡下第文章在謝傳中年哀樂多  
年來仲姊仲兄相繼下世爲向脊令寄消息高唐今夕共聞歌

戴桐峯國博余十齡時共學友也頃於都門相  
見撫今追昔不能無詩

憶侍安昌日追隨有戴崇後堂絃管罷岐路別離中跌  
宕思前事悲歌正朔風相逢成一笑共踏軟塵紅  
索居三十載消息竟茫茫歲序如奔驥風流擅瘦羊講  
經推老宿說酒更飛揚羨爾霑微祿猶能奉北堂

以宣德紙送梁山舟編修枉酬佳句兼贈文犀

赤刀筆賦此謝之

珥筆歸來日正斜  
臨池知爾興猶賒  
何期一幅雲藍紙  
又累溫岐手八叉

夢中空說陸倕過  
持贈分明校若何  
孤負人間青鏤管  
少瑜才思本無多

送王東白之官蜀中

我愛維摩詰  
翛然遠世情  
一官聊吏隱  
萬里竟孤征  
月落秦關迴  
雲開蜀道橫  
登臨應極目  
懷古氣崢嶸

好佐文翁化  
無爲五斗羞  
蠶叢春市早  
鹽井暮煙稠  
風俗還從古  
蕭閑略似秋  
哦詩松樹下  
日對錦江浮

除夕東吳杉亭舍人

騎馬城南退直初，門丞爭換歲云除。  
煙花是處成新態，風雪何人寄尺書。  
鄉夢暫拋千里外，吟情先到一燈餘。  
懸知簾閣凝香細，共簇辛盤樂未疎。

鐵畫歌

并序

湯鵬字天池，吾邑人。少攻鐵與畫。室隣日窺其潑墨勢，畫師叱之鵬發憤，因鍛鐵爲山水障，寒汀孤嶼，生趣宛然。傳至日下，可直數十緡。然性類放不受促迫，故卒以技窮云。梁山舟爲作長歌，因與錢擇石、謝金圃、吳杉亭、陳寶所和之。

荆關一去倪黃死無人能寫真山水誰從鐵冶施神工  
萬里居然生尺咫匠心獨出無古初揚鉞柳下樂何如  
肯作兩錢錐補履直教六法歸洪鑪想見解衣任槃礴  
煙樹天然謝雕鑿百鍊化爲繞指柔始信人間兔毫弱  
當年作貢來梁州越人在解求純鉤詎識烏金寫生態  
寒松怪石皴清秋唐朱畫手紛於葉素絲轉眼飛蝴蝶  
蘇詩素絲斷續不忍看已作蝴蝶飛聯翩何似錚錚不壞身安用金題與玉  
躡獨憐奇技坐天窮江天日暮酒錢空不見程鄭與曹  
邴冶鑄竟至千人僮胡爲鼓鞀營邱壑空聚六州鑄大  
錯夜闌莫更彈哀絃竊恐蕤賓一片躍

老樹軒燕巢二首以花朝爲韻

春風在何許輕燕入簾斜倦羽雲雙宿鄉心水一涯重  
來真得地小住卽吾家肯道啣泥苦相依有杏花

年年趨社酒簫鼓聽連朝殘壘幸堪卽故人猶可招雨  
晴春正暖風定夢偏饒客緒憑商畧無爲嘆寂寥

和杉亭四友詩

金圃

肌膚冰雪本仙姿不向人間學畫眉擊石自能諧律呂  
投壺詎必算純奇鄉心枵觸爲吳語酒態淋漓讀楚詞  
擁鼻最憐吟思苦夜闌燒燭寫烏絲

山舟

十載聞聲有宿緣相逢真使幻塵捐  
頻伽身世唯三昧  
脈望生涯只一編  
竹榻茶煙消永日  
紙牕燈火逼殘年  
風懷磊落從來少  
耳語方知不直錢

寶所

蕭疎意氣未相違  
豹直連宵幸與依  
三十年華潘岳鬢  
一天風雪謝莊衣  
偶尋斷碣還臨古  
閒共幽人暫息機  
挂笏西山正奇絕  
夕陽看盡每忘歸

杉亭

身外浮雲片片輕  
肯將文字競時名  
次公酒醒狂仍在

中散眠多嬾易成一局棋聲當漏靜半簾香氣襲人清  
衝泥不厭頻相詣況是春融雨乍晴

題畫

層層烟樹枕寒流烟際招提樹杪樓最是年時泊沙觜  
一聲鐘到滿船秋

三月三日喜晴以天朗氣清惠風和暢分韻得  
氣惠二字

春暮節物佳茲辰尤足貴昨宵陰雨來矍矍心所畏造  
物憐吾儕晴光照百卉微風吹襟裾清和入腸胃相與  
賦新詩安用絲竹沸唯有一尊酒可以養真氣

曉起見朝陽瞳瞳出新霽春華承豐施顏色益以麗坐  
此愛景光年芳忍虛逝山陰雖云遙高會良可繼被濯  
來水濱遊魚有心契斯樂物我均紛紛笑莊惠

梁元穎侍講招集清勤堂紫藤花下賦詩八章  
卽呈吾師薌林先生

古藤花發紫雲低下直剛逢酒伴攜看到中央周四角  
者回拚得醉如泥

相國堂前雨露殊獨將高格占

皇都一般分得袍邊色不向春風憶鼠姑

滿架花枝覆碧苔楸枰一局傍花開紫羅囊許誰贏得

可要宣城太守來

高綴玲瓏玉萬枝來看須及半含時莫教易逐榆錢落  
說與封家十八姨

雨過風含細細香不隨桃李鬥春光人間自有蓬萊紫  
底事廬山乞勝囊

棚格濃陰壓畫欄仙人風骨太姍姍寫生錢選真能事

猶恐花光貌得難

錢穉石編  
修作圖

纓絡垂垂劇有情捲簾人對晚風清千重步障天成就  
應笑齊奴太俗生

翠幄張來不受塵年年花下酒尊頻欲煩公子相料理

肯把繁英讓別人

時侍講將  
移居故云

題吳侍讀小照

天風萬里吹長江波濤出沒何淙淙  
鯨呿鼇擲怒未已聲如萬石洪鐘撻  
對此茫茫百端集安得不令心神慄  
何人揚帆高百尺恍似茗雪乘吳艤  
坐卧直與黿鼉狎談笑兼使魚龍降  
胷中雲夢吞八九此老神完誰與雙  
不見中流恣澎湃石柱突兀疑長幢  
狂瀾至此忽瑟縮百川不敢相舂撞  
人生涉世隨所遇龍門積石皆吾邦  
願以赤手障巨浪誰能刺促依書牕  
夜深放歌若泉湧一醉欲傾千雞缸

青蘆二首

幾日荻芽長陂塘景頓殊似爭堤上柳恰暎水中蒲吟  
思生孤艇鄉心託五湖此間無熱客鷗鷺好爲徒

瑟瑟聲初起青青葉漸抽不須花似雪已覺水先秋放  
鴨人何在撈蝦願未酬最憐初月照清露滴漁舟

紅橋泛宅圖爲傅上舍作

顚顚京華竟一年浮家又趁廣陵船十三樓外春如許  
莫向風前聽杜鵑

簇簇穠華拂畫橈一湖春水漸平橋多情應爲隋隄柳  
吟徧長條復短條



幾人聽得最分明

燈前爛漫情難盡  
牕外廉纖滴未休  
不待井梧吹葉落  
瀟瀟庭院已先秋

今年暑雨太連綿  
欹枕聽來倍黯然  
輸與江南賀梅子  
新詞題徧衍波牋

野寺聞鐘圖

微雲澹遙岑  
山家日已暮  
行藥穿前村  
秋光落芒屨  
無言倚枯籐  
悠然有真趣  
梵鐘何處來  
隱隱出煙樹

寄藥公三首

牛首山前雪亂飛  
圓蒲終日掩禪扉  
愛渠只著離塵服

不向人間羨紫衣

傳衣夜半佛香清大事因緣在此行至竟從何出江口

江頭把觴定分明

用五祖渡能行者事

牕外蕭蕭落葉空松巖雲月妙明同杼山好句今多少  
欲倩紅鱗問皎公

李茂才觀潮圖

浪花千尺接雲端天地無如此壯觀誰向清秋倚枯杖  
夜深真向月中看

水經終古笑吾曹箋注紛拏識未高畢竟曲江何處是  
煩君一證廣陵濤

一江中劃浙東西十載錢塘憶舊題安得更攜枚叔去  
看潮同到夕陽低

秦澗泉學士柴門稻香圖

平生但願有田二頃宅一廛腰橫短笛驅烏犍齊民要  
術挂牛角世間萬事過眼隨雲煙金坡學士志不在溫  
飽撐腸拄腹經筭何便便五更上馬入內直進講朗誦  
豳風篇金盤日飫大官饌不周之粟來自環邱嶺寧同  
東方曼倩飢索米又豈伐檀詩人但咏河水清且漣胡  
爲幽夢夜夜向江國散髮獨立南山前八月稻晚正賓  
雁七月稻早猶鳴蟬忽聞香風送五里不覺兩袖復復

心欣然乃知人生至樂在明晦萬鐘於我何加焉公今  
甫逾四十強安得掉頭不顧歸去企脚當牕眠且更月  
支太倉粟左揖稷卨右拍夔龍肩禮經七十乃致仕爾  
時庶可梭輦箬帽徙倚柴門邊我若買田亦負耒耨耕  
背輸沮溺賢西風吹熟紅穠穠滿篝滿車相與歌豐年  
便當拄杖過我飽餐脫粟飯何必青精玉屑求神僊

卧病經旬聞法源寺海棠盛開東謝金圓編修  
花信今年太覺遲討春頻向寺門窺如何等到天花現  
恰是維摩示疾時

藥錄茶經伴日長心情未減少年狂前身莫是杜陵老

不肯題詩到海棠

一笑因緣悟未深  
古先生爲阻追尋  
輸他卜宅連香界  
日日花前許獨吟

和申笏山少京兆移居海淀詩四首

六枳笆籬曲曲遮  
杉皮屋子傍村斜  
但攜茶具堪供客  
好著經函卽是家  
簞乍鋪時看奕山  
泉新汲慣澆花  
從今休澣無他事  
笑語都緣得句譁

葦堂何用畫屏遮  
長對西山一角斜  
煙月儘教爲地主  
樵漁也許作隣家  
鄉心漫憶頭番筍  
詩思先閒頃刻花  
合向此間謀小醉  
提壺休訝鳥聲譁

幾處茸茸碧草遮風前隨意緯冠斜題將粉壁邀吟伴  
寫作山莊倩畫家舊損蕙蘭應可佩新栽桃李又成花  
時校士初竣獨愁好事人來數門外翻添剝啄譁

散直歸來暮色遮攤書我獨掩扉斜心情似鶴兼多病  
興味如僧只在家行藥已儲方竹杖下簾空對折枝花  
抱琴擬共彈清夜一任重城漏點譁

題王禮堂學士西莊課耕圖

楊柳絲絲拂短隄秧鍼出水綠初齊就中含  
有詩人在獨倚斜陽看踏犁

一髮家山是也非陰陰桑柘漸成園鱸鄉蟹舍何時到

寫出西莊抵暫歸

曉樹驚聞鳴布穀農家月令夢先知社公雨過新泥滑  
正是沿村浸種時

水田一帶枕吳塘每到春來興未忘添種篋管三萬个  
他年便是午橋莊

經訓畱畬日掩關蟲魚箋注已全刪定知進講趨

三殿無逸先陳稼穡艱

學士近注  
今文尙書

也辦腰鎌寄此身買田無策苦遠巡綠箋青箬非卿事

二頃閒田合讓人

夢遊樓霞山

小別空教猿鳥猜夢中猶向攝山來一條柳栗他年約

長嘯先登舫若臺

山中小  
院名

憶樂素軒梧桐 并序

桐爲先大夫廣庵公手植近百年矣長夏每與  
諸兄弟坐樹下綠陰滿地清風自來洵可樂也暑  
夜納涼偶憶此景率爾成詠情見乎辭

忽憶空庭繞薜蘿桐陰幾畝足婆娑百年碧樹長如此  
萬里丹山竟若何花發每思先澤在風來倍覺晚涼多  
京華薄宦虛惆悵惟有秋宵夢裏過

游貞女詩

桃李好顏色當春華正穠不若女貞木勁節凌三冬鴛  
鴦有文彩遊戲紅芙蓉不若孤飛雁旣隻寧肯雙妾身  
雖未嫁垂髮名已通豈必墨車迎兩兩心始同生不見  
郎面死當與郎逢哀號別父母再拜姥與翁願爲代子  
職敢言黃泉從知苦不知甘賦命本蓼蟲但求奉色笑  
藜藿何必充棄我奩中鏡閉我樓上牕獨居五十載妾  
心無始終安得寡女絲絃被孤生桐葉來時一弄庶寫  
我心忡

輓楊宗丞星亭先生

卅載彤廷待漏身俄驚大鳥下秋旻譚經久已推前輩

抗疏于今更幾人四壁最憐無長物一年猶喜結比鄰  
茫茫天道憑誰問不忍重看砌草春

寄梁山舟侍講二首

之子媚幽獨翩然返故廬尊絲三月暮貝葉一燈餘但  
遣黃塵遠寧教白社虛春愁滿湖上吟興復何如

憶昔持尊酒時時共短吟月明秋水淨花落夕陽深舊  
夢中宵覺離懷隔歲侵空餘擘窠字遙見故人心

頃書  
瓦甌

山房額  
見奇

程太守索題西山挹翠圖卽送其之官南安

西山倒映天蔚藍羅列碧筍排瑤簪我住京華已三載

欲遊不遊心懷慚退直掩關獨趺坐捲簾每卽招煙嵐  
譬如故人來不速舉觴相對添清酣時有蒼翠落襟袖  
愛翫詎異貪夫貪幽夢往往過潭柘暗香浮動疑江南  
太守與我敦夙好攀蘿捫葛性所耽捧檄色喜爲親在  
謁選偶爾停征驂看山日夕竟不厭詩境可作枯禪參  
昨奉

命往領大郡治行將與龔黃三挂笏指顧不忍去爲收

遠岫歸經函鼠尾皴倩龍眠筆

圖爲李秀才作

層巒疊嶂藏茆

庵臨行牽衣向余說此間佳趣君能譜掩圖一笑太好  
事溪山到處清暉含沉聞南安接庾嶺繁英亂插香奩

禪行部山光定滿眼便攜蠻榼兼都籃胡爲戀戀此巖  
壑三宿桑下寧非慙所嗟同心易分手離亭官柳空羣  
羣待爾政成報

天子濟勝之具吾猶堪裹糧便乞十日假櫻聯箬帽同  
幽探

題蔣漁村舍人照二首

漁村垂釣圖

十年前憶坐漁磯回首煙波跡已非怪道春來鄉夢遠  
河豚初上鯊魚肥

塞垣扈 蹕圖

暫拋蓑笠騁龍媒短後衣先稱體裁  
柵葉半黃楓葉墮  
秋風吟徧勒蘇臺

范荔江學博以吟卷見寄漫題四絕其二子嘗  
執經於余故及之

不見詩人范成大大年年幽夢繞孤蘆  
行吟想到清秋好  
便把于湖當石湖

別後詩篇到眼明彈丸脫手水翻成  
居然二月深山曉  
卧聽流鶯百轉聲

宣城風格出塵寰優孟衣冠只厚顏  
似爾心清參妙諦  
他年真欲替愚山

國朝吾鄉詩人以施愚山爲最  
王禮堂光祿嘗舉似余殊自媿也

苜蓿堆盤酒不辭逍遙臺畔夜論詩近來雛鳳聲何似  
空憶離堂剪燭時

歎粥操

并序

爲盧孝子作也孝子名沅江西寧都州人庶子端  
臣先生之季子幼失明善鼓琴年二十三歸娶聞  
母卒於京邸擗踊號痛勺水不入口三日強之始  
食粥又非自炊不食號泣九十五日而死

天平眊我目唯母是依嗟余將昏兮母促我歸我衣母  
縫我行母持白雲逢逢在北兮胡爲乎久離不聞母聲  
我心徬徨我母忽喪安知水漿易之水兮蕭蕭燕之臺

今鬱鬱逝從母於地下兮奚我生之足恤強我食兮何  
語居聖廬兮心獨苦我日食兮一盞米聊和淚兮自煮

種樹圖爲秦澗泉學士作

長安富兒好花事一本不惜千錢致花兒匠乃奪天巧  
窖底爐烘作春氣冰堅雪厚花忽濃細蕊繁英鬪纖麗  
頃刻二十四番風般七韓湘詎絕技誰知開時方妖嬈  
未謝卽已無生意阿奴火攻真下策速成從來造物忌  
何人樹木計十年手植嘉樹向庭際朝夕灌溉雖苦辛  
其時若子置若弃枝枝葉葉次第繁春華秋實待時至  
纔見拱把俄成陰栽者培之本聖諦請看玉樹生階前

森森早舍百尺勢從今便儲梁棟材豈徒淩風誇嫵媚  
迴頭一笑唐花開紛紅駭綠只兒戲

法源寺看海棠

三載海棠虛有約今年真不負東風踏殘古寺莎痕碧  
吟斷斜陽樹影紅一笑最憐新雨後半開翻憶故園中  
家從父宜園  
海棠極盛不知人海勞勞者尊酒花前更孰同

黃牡丹

簾外宮袍舞柘枝半開猶似蠟封時夕陽無限妝成額  
佳氣先占喜上眉金屋春濃鶯欲妬銅鋪香暖蝶應知  
不須更醉驚兒酒仙掌親承露一卮

題錢擇石中允畫竹三首

下簾無計辟氛埃  
忽展生綃眼頓開  
不獨掃塵兼却暑  
蕭齋直帶晚風來

著手還如解籜新  
空腸得酒倍通神  
倘充石室先生筆  
廟市誰能別贗真

壁間曾寫橫斜影

去年曾爲畫梅

又見簪簪个个圓  
夢到孤山

與湘水此身真是小遊仙

晚過法源寺與葯上人話舊

十載因緣在文字  
佛燈今日更同論  
閒來幸免黃塵汚  
老去方知白足尊  
天際浮雲都是幻  
世間春夢本無痕

山陽舊侶休重憶逝者紛紛易愴魂

謂程泚江諸老輩

曉進西華門獨坐館中得四絕句呈楊企山諸

桐嶼趙雲松三編修王蘭泉比部

乍晴偏覺好風俱玉螭橋邊景頓殊  
朶朶芙蓉映初日人間真箇有蓬壺

書局宏開近浴堂阜羅櫺畔恰新涼  
鴉山小餅剛攜得雨水煎來許細嘗

睿論篇篇星日如丹毫每趁

萬幾餘

時纂通鑑輯覽次第進

呈恭

一函裁向

天邊下中使傳宣更進書

集賢堂詩  
史傳紛綸萬軸堆校讐敢憚卷頻開四羊三豕愁仍誤  
更遲羣公橐筆來

六月晦喜晴

伏雨全將暑氣收一痕晴日射簾鉤豆花欲綻槐花落  
已有涼蟬報早秋

王西莊光祿過瓦卮山房清談竟日兼申文酒  
之約得詩四章卽呈諸同調并柬菴菴上人

閉門枯坐瘞羊僧忽聽趫然喜不勝便遣騰騰殘夢去  
儘容啞啞笑聲增留賓自恨無中饋選佛還期得上乘  
爾我襟懷誰可似一泓秋水一壺冰

濯枝雨過晚涼侵促坐隣家古樹陰四海交遊堪屈指

廿年踪跡是同心

辛酉秋余與光祿訂交白下今二十一年矣

談諧有意爲

吳語棖觸無端動越吟安得春江花月夜青簾白舫並

題襟

格調爾應邁初白風神我敢替宣城

光祿嗜初白而但屢以愚山見況

求言語無枝葉畧識文章本性情鮫室偶然留咳唾

樓原不費經營亂蛙兩部緣何事池畔頻聞鼓吹聲

憶昨論文結古歡詞人幾輩共盤桓紛紛故侶晨星散

謂山舟竹嶼諸君皆歸

漠漠空堂夜雨寒擬趁早秋開酒戒準從

清暇續吟壇坐中合有詩僧在添箇彌天釋道安

七月十一日夢與八弟定旃痛飲劇談先三日  
適得淮上書因作此却寄時七弟臯泉方在揚  
州幕故篇末及之

分攜竟五載嘆息在岐途書已隨秋到人剛與夢俱風  
塵知未慣登眺計寧迂漂母祠荒否枚臯宅有無世情  
尊冶鑄生計讓屠沽中澤多鴻雁南飛憶鷓鴣郵籤三  
百近羽檄一燈孤餬口同淮水臨風獨媿吾

八月六日

亡妻生日也

去年兒女稱觴處力疾猶看一笑同何事哀猿聽巫峽  
那堪孤鴈又秋風成仙成佛蹤難定營奠齋事總空

辛苦半生眞負汝月明淒絕是枯桐

九日悼亡作內子嗜菊故有落句

又向天涯逢九日百年身世付悲歌縱無風雨秋如此  
才欲登臨感易多地下未應詩興減燈前空憶醉顏酡  
平生嗜好猶能說一朵黃花奈爾何

傳經堂詩鈔卷四終

傳經堂詩鈔卷五

辛巳冬至巳丑

蕪湖韋謙恒慎旃

送高舍人出佐吾郡二十二韻

菊磻詩名著薇垣地望清夜吟深院鶴曉聽

禁林鶯久共簪毫入俄聞擁傳行分符隣白下置郡接

宣城桑梓吾能說山川夙有名螭磯秋練淨牛渚浪花

平月照青蓮宅烟籠處仲營從來堪眺覽自昔數上豐

盈比戶安絃誦沿村事鑿耕輸將紛秭米報賽慶坻京

所歎烏衣落翻令鴈戶并胥徒逞刀筆賈販握奇贏風

漸殊唐魏人多艷卓程年時空杼柚江上競琵琶誰識





沅湘自古多忠魂殘碑斷碣埋苔痕石鼓山前發光怪  
中有黨籍名字存莘老來遊跂蹈侍明珠九顆輝朝暉  
更越百八十三載持節迺有六世孫拂拭舊題動感愴  
想見谿壁手頻捫揮涕定應述祖德強項詎忍頽家門  
熙寧天下正清晏新法一變徒紛繁臨川相公福建子  
如蛭負蜃如弟舅何人慷慨陳十害忠肅一疏千秋尊  
衡州監鹽固不惡山川亦復清且敦朝遊雲霄暮江湖  
寧令愠色形竄奔偶然登眺足高曠雙雛况更承笑言  
始知心事光日月一官遷謫皆君恩後來再投新州去  
有效澤畔行吟原不怒百姓責吾輩

忠肅語

一死安敢啣

煩冤直臣萬載不磨滅懸崖片石難扳援清泉使君特  
好事響榻遠寄踰瑤琨夜深摩挲動三歎善人有後理  
足論豈無處者劉向在醴泉有根按摯有孫孝昌貧不自立  
劉清之知衡州買田以給見清之本傳則摯必有後在衡無疑矣煩君速爲訪巖壑竚  
看鸞鳳來高鶯

題畫

暮靄千重古樹間階前流水自潺湲道書讀罷渾無事  
看徧青青雨後山

插秧圖

一犁新雨晚風寒翠浪橫鋪帶笑看聞道兒童爭拍手

今年秋水十分寬

齊民要術吾曾讀五載江鄉苦夢思忽見紛紛跨秧馬  
又煩坡老賦新詩

題吳比部小像卽送歸新安

我家赤鑄君黃山聞聲十載難躋攀竭來京國結隣里  
尺咫可以頻往還君方燒燭披訟牒朱出墨入無餘閒  
引經折獄在吾黨矜全善類鋤羣姦獄成能令萬口服  
心苦那免雙鬢斑一朝拂衣動鄉思遂求長假歸柴關  
清晨打門送急遞畫圖髣髴春風顏梧桐葉大松子落  
手攜一卷聽琤潺蟹眼湯沸午烟直缸面酒熟新月彎

但期勿招狼鶴怨何必長居鵲鷺班買山而隱縱詣諍  
有田不歸真堅頑潞河秋水疾于箭扁舟從此尋烟鬟  
直凌三十六峯頂排空石筍寧阻艱白雲滿袖氣紛郁  
黃鳥入耳聲緜蠻他時我亦掉頭去清福未必山靈慳  
拄杖徑訪容成子與君同住茆三間

彭少宗伯覲之先生曾撫楚中令子六一編修  
典試其地因爲詩贈行兼呈少宗伯

鸚鵡洲前開幕府趨庭剛是受經初南樓幾共陪清嘯  
公子旋看擁傳車采得蕙蘭雙袖底養成杞梓十年餘  
襄陽耆舊如相見應爲羊公問起居

七夕有感

又見明河照鬢絲  
人間無處寄相思  
空餘一片支機石  
曾伴秋宵織錦時

雪後獨坐有懷約庵上人

昨夜灑微雪  
曉來見晴旭  
殘雪射朝陽  
光明忽滿屋  
敷坐息衆慮  
盆花媚幽獨  
泠泠方寸間  
不二門已足  
不識面壁人  
何如彼枯木  
莫將文字禪  
風旛義重續

聞七弟崑泉有江右之役口占寄之

千里依人事  
可吁漫天風  
雪片帆孤  
不知鼓櫂潯陽去  
識得廬山真面無



十三年三見下

綸綽羣公衮衮來雲興復霞蔚休明賴鼓次風雅藉揚  
屹文章雖區區繁蕪願芟蕪吾黨自不凡前修未易訖  
景運幸躬逢何以贊密勿高會樂事新離亭歌聲歎言  
歸咏白華至性安可拂聚散疑萍浮樹立期山屹目送  
南飛鴻翩翩謝塵拂

奉題座師秦大司寇樹峯先生味經窩第五圖

四首

我聞陸龜蒙六籍聖人海萬象森其中有核唯所采柰  
何僅耳食欲爲天下宰誰歟飽商摧旣飫猶恐餒儼若

享太牢羣言盡菹醢精華本無窮含咀味斯在處則爲  
經厨出則調鼎鼐笑彼無舌人安能求甚解

禮經久聚訟師傳異茅茷株守一家言糟粕安可歆卓  
哉先後鄭天人義穿穴小儒驚魚龍廢食或因噎辟穀  
求長生微言恐中絕夫子觀會通淄澠味能別五齊各  
有宜方寸爲麴蘖沾丐及來者賴此廣長舌

先生著五  
禮通考三

百六十  
二卷

載籍膏腴區吾徒任耕稼初或似嚼蠟久乃如啖蔗經  
義灌胸中肺腑與之化所以窮經人皓首不能罷伏勝  
暨轅固上壽無足詫茲圖三十年春秋幾更謝講學猶



題明宣宗畫二首

楊梅

麝風圖向殿廷開  
剝棗烹葵念幾回  
却憶江南好風景  
胭脂新染到楊梅

鼠

禁林初闢內書堂  
鼠輩紛紛蹟已彰  
何事眼中餘五伎  
寫生偏爲賜中璫

宣宗自題云宣德三年戊申  
武英殿御製賜太監郭弼

趙甌北編修新居卽海寧陳文勤故第也次諸

桐嶼編修詩韻二首

莫憶家隣第二泉  
紙牕燈火歲寒天  
抽身未便容高隱

買宅何妨竟屢遷合藉門生攜斗酒免因間架出緡錢  
一簾風月真吾土送與詞人王仲宣

堂開綠野記前因重到曾無舊日隣琴笛儘堪隨處設  
杯棹先已雜然陳眼看庭竹紛殘雪手植盆梅報早春  
獨占中央爲地主

文勤第甚廣南北皆屬他人甌北所居則中央也

可容頻有

借書人

題畫三絕句

老樹如人立孤亭似笠圓夜來風太急葉落捲秋烟  
一片雲橫遠浦數聲鶻唳晴空只合吹笙閒坐消他滿

澗松風

涼颼颼入庭柯倚樹微吟思若何  
忽憶蛾眉亭外月別離已是十年多

瘞馬

骨相非千里馳驅已十年  
肯因筋力盡忍使道途捐  
欸段元相得皮囊亦可憐  
敝帷遵古訓唯願爾歸全

題陶吾廬先生歸去來館圖

并序

先生爲靖節三十八世孫以翰林乞養歸得靖節  
故居於廬山下因名曰歸去來館且爲之圖余從  
先生孫簡夫太守所見之敬題五言二章卽用靖  
節移居詩韻

柴桑不可見誰知有遺宅衡宇故依然古今若朝夕達  
人聊寓形詎可爲形役堂構重世守于焉布几席守道  
寡所營讀書慕疇昔茫茫先聖緒與義賴昭析

先生著有講習

錄

采蘭循南陔束皙歌笙詩庭闈具真樂皇皇將何之慷  
慨述祖德千秋有餘思迹同遇則異幸遭義農時惟願  
來者賢松菊長在茲力田不違年斯言將誰欺

漫興

一卷黃庭到眼前紅塵元自有真仙丹砂苦爲求勾漏  
冷笑人間葛稚川



曹容圃庶常索棗南書屋詩因循未就頃招同  
商寶意太守程菰園陸耳山兩舍人小集聊成  
近體一章報之

三間新拓屋如船分得隣家樹影圓牆外儘容歌纂纂  
燈前休訝舞僊僊酒濃爲戀將離客

時寶意太守將之官雲南詩冷

粗償未了緣棗葉鍼鋒真妙諦更期參破口頭禪

維摩經如

持一鍼鋒舉一棗葉而無所撓

題顧晴沙侍御試泉圖

臺省何人似虎頭年年夢繞故山秋不須定博頭綱賜  
只憶清泉一綫流

九龍山色暮烟橫山上泉流映月明送與江南老桑苧  
僧樓卧聽轆轤聲

千斛糧艘泊潞河攜來佳味故鄉多誰知使者心如水

一勺清甘奈遠何

時方拜坐糧廳之命

第二泉邊倚釣艫廿年前試紫琳腴

戊午春與王虛舟先生試泉聽松精舍

舍今廿七年矣鬢絲禪榻何時共滿院松風對竹爐

過蒲褐山房訪王蘭泉比部不值

欲問維摩詰驅車入輞川故人不相見獨立空茫然落  
日動殘磬秋風催亂蟬蕭蕭修竹外誰與話枯禪

同丁芷谿侍御畢秋帆修撰曹竹虛編修集王













































